

2022-mut llassutissatut aningaasaliissutinut Inatsisissatut siunnersuut

(Aningaasaqarnermut Naligiissitaanermullu Naalakkersuisoq)

Oqaaseqaat:

llassutitut aningaasaliissutinut inatsisartunut siunnersuummut imaattumik Siumumiit oqaaseqarfigissavarput.

llassutitut aningaasaliissutit 2022-mi akuerineqarsimasumut tunngavilerlugit siunnersuutigineqarnerani pingaarutilinnik timitaliinermi pilersaarutaareersut saniatigut iliuuserisariqakkanik toqqammaveqartarpoqa.

llassutitut aningaasaliisarnerit aamma nalilersuutaasarpoq Nunatsinni aningaasanut inatsimmut pilersaaruserioriaasatta uniorpallaarnagu ingerlatsisoqarneranik. Pilersaarutinik uniinerit arlalinnik pissuteqarsinnaasut maluginiagassaavoq ukioq 2022 immikkuullarissuusimasoq tamatta maluginiarsimasatsinnik.

Pingaarnertut saqqummiunneqartumi Covid-19 malitsigisaanik ikiorsiissutit nalingi, akit qaffakkiarnernerisa kingunerlutinnginnissaanik suliniut, napparsimaveqarfimmut immikkut ittumik aningaasaliissutit, Mittarfeqarfiit Nunatta Karsianit tiguisinnaanerata atorunnaarsinnera, internetsikkullu saassussisoqarnerata kingunerisaanik aningaasartuutit 2022-mi immikkut ittumik atuisariaqarnermik kinguneqarnikuupput. Taamatut iliuuseqarsimaneq Siumumiit naammagisimaarparput.

Naak naatsersuutigisamik amigartoornerunermik kinguneqartitsisussaananerit ilimasaarutigineqaraluartoq suliniutit immikkut aningaasaliissutigineqarsimasut siunertaqarnikuupput, iliuuserineqanngikkunik inuiaqatigiinnut sunniutissai pitsaanngitsut annikillisarnerneqarnerisa. Taama aningaasaqarnikkut iliuuseqarsimatilluni Siumumiit pingaartipparput aningaasaliissutit siunertamisut kinguneqarsimanersut paasissallugu, naammangilarmi aningaasat siunertaqarluartut akuersissutigissallugit kinguneri malugineqarsimanngippata.

Immikkut ittumik atugassanngorlutilli qinnuteqaatit ilaat annikillisinneqarnissaat Siumumiit kissaatigivarput, pilersaaruseriorluarnikkut annikillisarnerneqarsinnaasut, isumaqatigiissutikkullu ersarissaanikkut aaqqinneqartarsinnaasut. Siumungaaq inatsisissatut siunnersuusiordermi suliarilluarneqarlutik ukiup immikkut ittumik qinnuteqartarnerit minnerpaaffianiisinniarlutik, naak nungutivinneqarsinnaanngikkaluartut.

Taamatut oqaaseqarluta siunnersuut taamak isikkoqartillugu akuerivarput.

Hans Peter Poulsen, Siumut